



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Practica Theologiae Mysticae

Gelen, Victor

Coloniae Agrippinae, 1652

Et Secvndo. De Iis Qvae Fivnt In medio Transformationis modi
ascendentis. Paraphrasis XIV.

urn:nbn:de:hbz:466:1-9766

ET SECUNDO

DE IIS QVÆ FIVNT IN MEDIO
TRANSFORMATIONIS MODI
ASCENDENTIS.

PARAPHRASIS DECIMA QVARTA.

IN thesauris sapientiae intellectus ac si diceret. dum in infimo status Transformationis modi ascendentis, sapientia ad usum, & vita-lem afficiem excoletur, sicut thesaurus absconditus latet in spiritu; qui quasi sub se curuatus, ad superiores amplitudines, si-tusq; mentales se erigere non poterat: iam vero inuenito intellec-tu in sapientia, modis atque actionibus sibi proportionatis spiritus non amplius sub se procedit; sed tanquam ignis prius in carbone modicum, nunc ut in flamma multum luminis acquirit, in eoque viuit, & degit quod vti fiat, in sequentibus dicendum est. &

- I. Quod propria operatio quādiu in medio Transformationis modi ascendentis ver-satur sit visus mysticæ actiuitas.
- II. In regione proprijs spiritus eleuatur, ac dilatatur mysticas.
- III. Cum luminosa visione ascendit continuo.
- IV. Sub se in profundo mysticus vider regionem inferioris hominis, ac spiritus proprij in alto, spiritus diuini autem super se.
- V. In summo proprijs spiritus attingit regionem spiritus diuini.

ARTICVLVS PRIMVS.

Quod propria operatio quādiu in medio Transformationis modi ascendentis versatur sit visus mysticæ actiuitas.

Qui fecit caelos b in intellectu, ac si di-
ceret, o pia anima, cum obiectum
intellectus mystici sit scientia sapida,

scudonum supernaturalis sapientiae in ordine ad exercitium supereminentis charitatis Dei; poteris toto hoc tem-pore, quo circa sphæram proprijs spiri-tus ascendendo versaris, ordinatam ad diuinæ illustrations deductionem vi-dere, & clarissimè alpicere, vti diuina miseratione factum sit, caelos in intel-lectu esse, ipsamque potentiam in-tel-

a Ecclesiast. b Psal. 135.

collectus per donum sapientiae eousque eleuari, ut tandem ad sublimem regionem spiritus divini pertingat. Ea propter reicta illa centrali, seu fundi interioritate, quæ in Nunc collecto, & sub parui ac intimi ratione procedebat; ad superiores amplitudines, extensiones, latitudines, ac visus te ipsum extendas oportet. illa enim quæ in spiritu proprio ad spiritum Diuinum adstat amplissima viuacitas efficit, ut tanquam umbræ, & imagines cœlestium, eiusmodi quoque magnitudines in inferioribus potentiss, & imaginatione resultent: moderate tamen hoc ipsum contingit, & minus quidem in initio, quam in medio, & magis in fine, seu summo proprij spiritus, quam in eius medio. ubi etiam ceu ex regula generali obseruantur est, propter subtiliorem indies spiritus visum, seu diuini luminis, & beatitudinis communionem, frequenter fieri relapsum ad inferiores vires; in quibus licet non reperiatur positivum taxodium, aut parentia diuina; attamen quidquid in toto homine inferiori, seu ipso suo spiritu minori regione inuenitur, tam grossum, rude, & durum videri, ut sine auerstione ad similia decidere nequeat. unde etiam quantum citius ab eiusmodi inæqualitate se se auerterit, & ad puras spiritus visiones converterit; tanto etiam expeditius ad operationes spiritui proprias admitti poterit. quæ ut in praxi per notabiliores operationes eue-

niant, articulatiū consequenter dicimus;

*In regione proprij spiritus eleuatur,
ac dilatatur mysticus.*

ARTICVLVS SECUNDVS.

Sapientia a foris prædicat, in plateis dat vocem suam. Ac si diceret, ô pia anima, non amplius in hominis inferiori sit, & quasi intemelipsa uti hucusque fieri solebat, Diuina sapientia locum dare debes: nam sapida illa scientia, & fruitionis locus, foris, & ad extendentem dilationem prædicat, loquitionibusque suis allicit, & in plateis, ac spatijs amplioribus vocem suam dat, atque ad spiritualia eleuare te gestit. sicut aquila prouocans ad volandum pullos suos, & super eos volitans: cupit enim suæ naturæ participes, ad subtiliorem motum quam in paruo nidulo fundi exerceri soleat, inducere; significans spiritus proprij alas, & pennas excreuisse, ac tantum virium acquisuisse, ut pondus inferioris hominis ad superiora leuare possit. Quia vero volitando super eos inuitat, adhuc non sed sit pullorum alis ex toto, ne forte viribus destituantur; sed solum invitat, modum, & locum voluti aptum ostendendo. quia nimicrum licet hoc loco in regione proprij spiritus eleuetur, & dilatetur; maior tamen est eius spiritualis visus, quam

Kk 3 con-

a Proverb. x.

constans, & adæquatæ bene-afficien-
tiæ vitalitas. intellectus enim propri-
mo in hac eleuatione magis sese ex-
tendit, intuetur, & nouos menta-
les situs, spatiaque perlustrat suprà se,
à longè quidem inibi Pulchrum & Bo-
num cognoscens in alto: nondum ta-
men ex toto ut suum ibidem possi-
dens. & ideo dum ex superioribus ad
se, suaque inferiora recidit, hoc ipsum
non ægrè, sed benignè ferat; sciens
spirituale lumen adhuc non tam altas
radices fixisse, vt adæquatè, & tam
spiritualiter ipsam machinam inferio-
rem eleuare possit, sicut internum
suum visum. cum ergo adhuc sit bi-
lancis inæqualitas, inferioritate sub-
stante; quoties ad illam ex spiri-
tus regione deciderit, toties illam su-
perno lumine collustrat, depurat, al-
leuiatque: donec tandem & ipsa infe-
rior machina ex abundantia virium
superiorum perfusa, spirituali quadam
subtilitate superioribus sitibus coad-
stet.

Quidquid ergò in spiritus eleua-
tione, dilatatione, aut decidentia con-
spexerit, totum hoc pro præambulo,
& dispositione ad pure operandum,
& situm mentalem tantum congruè
formandum transgrediatur pro pri-
mo, dein pro secundo subtilli eleua-
tione ad eum qui longè superius est, ani-
mum dirigat; quo ita exinde adepta
specie, exercitium actus per opera-
tiones intellectus, & voluntatis, confor-
tij diuinæ naturæ fruitio instituatur,
soucaturque. uti porrò continuum ho-

rum fiat incrementum, ex sequentibus
constatib.

Cum luminosa viuacitate ascendit
continuò.

ARTICVLVS TERTIVS.

IN sapientia est spiritus a intelligentia,
sanctus, unicus, multiplex, subtilis. Ac
si diceret, ô pia anima, licet Deus in
semetipso sanctus; & unicus sit, in
nobis tamen per spiritum intelligen-
tiæ, & diuini consortij sapidissima fa-
miliaritate, est multiplex, ac subtilis,
multiplex quidem, quantum ad di-
visions varias operationum; vndè
hoc loco luminosa illa viuacitas, qua
continuò ad superiora ascendit,
quasi vox multitudinis; maxima a-
ctivitate in spiritu proprio loquicio-
nes suas diffundit: ita ut ipsæ opera-
tiones, seu verba mystica ex sese quasi
profluant, facillimeque proferantur,
ac admirabili prorsus varietate modo
sursum, modo deorsum, sinistrorum,
vel dextrorum, antrotum, vel re-
trorum circumvolutiones suas incun-
dè admodum peragant. Subtilis au-
tem, quia continuo profectu maioris
radicationis in charitate, spiritum pro-
prium incessanter ad spiritum diuinum
subtili, ac substantijs separatis confor-
mi intelligentia, allicit.

Pro exercitio actus itaque, hæc om-
nia, & quidquid in spiritu agilitatis,
Pulchri, Boni, ascensus, & subtilio-
ris semper aspectus inuenitur, habe-
tur,

25 Ap. 7.

etur, ac possidetur; totum hoc ut im-
perfectum quid, & præambulum, vt
peraccommoda tamen dispositio, ac-
eipiendum est; dein admodum subti-
li, & pro vt fieri poterit, substantijs
separatis conformi intelligentia, ille
qui omnibus præstat, & altior est, in-
tuendus erit: quo ita per conuenien-
tem speciem aut similitudinem excita-
tam, dein fœcunditate intellectus, &
voluntatis consortij diuinæ naturæ ex-
ercitium pure instituatur, continua-
tur, ac foueatur. interea verò dum
hæc fiunt, quam altè ad superiora in-
dies eleuetur, consequenter dicendum
est,

*Sub se in profundo mysticus videt regionem
inferioris hominis, ac spiritus proprij
in alto spiritus Diuini autem
supræse.*

ARTICVLVS QVARTVS.

CVM vix paruam stillam a sermonis e-
ius audiuerimus, quis poterit toni-
trum magnitudini eius intueri? Ac si
diceret, ô pia anima, luminosa illa spi-
ritus proprij viuacitas, qua continuo
ad altiora eleuaris, hoc præstat, vt in-
ferior regio, in qua prius versabaris,
& vix paruam stillam sermonis eius
audiebas, & modica ad operandum
actiuitate potiebaris; iam tandem ad
infimos situs, & sphæras protusa vi-
deatur: illa enim nec tonitruum ma-
gnitudinis eius, nec subtilem actiui-
tatem spiritus sustinere poterat. iam

verò cum animalibus illis cœlestibus
qua plena erant oculis intus, & fo-
nis, ante, & retro, & ad videnda quælibet
maximè capacia; per instantaneas o-
perationes, seu verba mystica, hoc lo-
co ad formationem, & pronuntiatio-
nem peraccommoda eleuare, ac ubi-
cunque inuenieris impetum spiritus,
illuc gradiare; & regioni spiritus diuini
quam supra te animaduertis, approxi-
ma, cumque permissum fuerit ingre-
dere, ac inhabita.

Interea verò quidquid Deo minus
est, ipsam scilicet proprij spiritus ele-
uatam regionem, ac operationis fa-
cilitatem, qua instar aquilæ quocon-
que volueris circumuolitas, & tan-
quam plena oculis intus, & foris om-
nia clare intueris; vt præambulum,
& dispositionem duntaxat accipe, &
transgredere: ac ei, qui his omnibus
altius eminet, spirituali admodum in-
telligentia coniungere, adhære, &, vt
potes, profunda Dei scrutare, eius pul-
chritudine, & bonitate inebriata; quo
ita tandem amoris præstantia ad sua-
uem mentis excessum dimouearis.
quomodo autem ad summa penetres,
constabit ex sequentibus.

*In summo proprij spiritus attingit re-
gionem spiritus Diuini.*

ARTICVLVS QVINTVS.

IUstorum semita quasi lux splendens pro-
cedit, & b crescit usque ad perfectum
diem

a Job 26. b Proverb. 4.

diem. Ac si diceret, ô pia anima, illorum viuendi ratio qui non in incertum currunt, nec sic pugnant, quasi aëtem verberantes per remissiores, & sensuales viuendi modos; sed iustum more per arctam viam, & angustam portam benè ordinati, ac viruosè compositi hominis intrare contendunt ad vitam, diuinæque naturæ suauissimum consortium; illorum, inquam, semita qua simul in absconditis Domini consiliantur, & angelicis penè modis in cœlis conuersationem suam constiuant; quasi lux splendet pro primo, & quam diu in regione seu sphera inferioris hominis nouo & adhuc occulto modo, seu in Nunc æterno, collectè, nec usquequaque diffusè, Diuinæ lucis radios a percipiunt. Verum dum hic in medio ascensu, ac regione proprij spiritus degunt, eiusmodi lux splendens procedit, & crescit usque ad perfectam diem: in eo quod luminosa eleuatione, con-

tinuò se suzque omnia transcendendo infatigabili vivacitate spiritui divino appropinquant. hoc autem tum reali persistentia contingit, quando in summo proprij spiritus, ac in iam diu trita media regione, alia longè divinior, ac sublimior regio superesse animadvertitur; sicut perfecta dies à crepusculo, & aurora in claritate differens. ac tum quidem ad altiora transeundum erit, pro ut in b sequentibus habetur.

Interea verò hæc omnia pro dispositione duntaxat, & præambulo accipienda sunt, & deserenda; dein pro ætus exercitio spiritu non tantum ab omnibus libero, & soluto; sed etiam ex his præambulis in subtilem visum deducto, ille qui his omnibus præstat, cogitandus erit, ut absque inferiorum impedimentoo, spiritus congrua specie imbutus, actualem unionem, & consortium diuinæ naturæ instituat, continuet, nutritaque,

a Sup. parapb. 13. b Paraph. 15.

ET